



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
proxim accommodatas

**Archdekin, Richard**

**Antverpiæ, 1682**

Caput 6. De sexto Præcepto. Non mœchaberis. De Luxuria.

**urn:nbn:de:hbz:466:1-40873**

## CAPUT VI.

*De sexto Praecepto. Non mæchaberis.*

*De Luxuria.*

1. **L**uxuria est inordinatus appetitus, vel usus sensus venerei, qui sit in corpore cum commotione spirituum generationi servientium.

2. Actus luxuriæ, alij sunt perfecti & consummati cum seminis decisione, alij imperfecti, {qui fistunt in interno desiderio & oblectatione morosa. Speciem sumunt hi actus à diversis objectis circa quæ versantur, ideoque ea in Confessione sunt explicanda; vel etiam à modo, quo exercentur naturali, vel contra naturam: diversitas illa magis patebit ex sequentibus.

3. Fornicatio, est concubitus soluti cum soluta, quæ nempe libera est à voto, Matrimonio, Religione, cum mutuo consensu habitus.

4. Incestus, dicitur concubitus cum cognatis, etiam spiritualibus, per Baptismum videlicet aut Confirmationem, & affinibus. Cognati hi sunt usque ad quartum gradum; uti & affines, quando affinitas illa oritur ex copula conjugali: ex copula autem non conjugali, solum extenditur usque ad secundum. Cum iis qui religionem profitentur, aut sacris iniciati sunt, aut in loco facro, potius sacrilegium videtur quam incestus. Cum filia autem Confessionis, et si cognatio spiritualis propriè non sit, dignum tamen est flagitium Confessarij depositione, & carcere, & ob similitudinem venit etiam nomine incestus.

5. Stuprum est copula quæ cum virgine exercetur,

484 Pars 3. tract. 5. cap. 6. De sexto precepto.  
eretur , sive vir fuerit virgo sive non.

6. Sodomia est, cùm sexus eiusdem duo com-  
miscentur , etiam fæminæ , vel cum femina vir-  
putant variari speciem sodomiae , si fiat cum  
cognato, aut affine, aut cum habente votum ca-  
stitatis , &c. Sed hoc parùm ad praxim juvat,  
quia equidem in Confessione explicandum est fe-  
sodomiam commisisse cum habente votum ca-  
stitatis, affine, cognato &c.

7. Ad bestialitatem reducitur etiam coitus qui  
fieret cum dæmone. Sunt autem bestialitates re-  
liquæ speciei eiusdem.

8. Sodomia , bestialitas , mollities non sunt e-  
iusdem speciei infimæ , ac proindè in his non  
sufficit in Confessione dicere, se procurasse pol-  
lutionem, sed exprimenda est particularis species  
bestialitatis aut sodomiae, ita Alex. 7. supra.

9. Mollities sive pollutio grave est peccatum,  
quoties spontè procuratur, aut voluntas in eam  
plènè consentit. Pollutio involuntaria non est  
peccatum; nec opus honestum undè sequitur,  
v.g. Confessionem rerum turpium , relinquere  
oportet, nisi sit periculum consentendi.

10. Defectu pleni judicij & consensus in semi-  
experecto pollutio non est mortalis. *Sotus, Te-*  
*letus cum communi.* Dum ea provenire advertur,  
pro securiori praxi docent optimi Authores, ex-  
pedire tunc se munire signo crucis , & sine alio  
in eam delectationem lapsu conservet. Non e-  
st enim, inquit S. Bernar. nocet sensus ubi non est  
consensus, ita Sanchez, Busen. Trul. &c.

11. Oscula & tactus verè libidinosi inter non  
conjugatos mortalia sunt peccata , non autem  
inter conjugatos, si absit periculum pollutionis

12. Inter

12. Inter Sponsos amplexus & oscula licita sunt in signum sinceri affectus & benevolentiae, non autem tactus impudici, qui proximè ad copulam disponunt. *Sanch. Dian. p. 2. tr. 17. r. 6. &c.*

13. Quæ ab aliquo opprimitur non tenetur ad defensionem sui illum lèdere, at verò tenetur clamare & resistere quantum potest sine periculo vita aut famæ.

14. Si in cogitationibus venereis voluntas se habeat negativè, id est, non consentiat neque dissentiat motibus luxuriæ, probabile est non peccare mortaliter, nisi adsit periculum consensu aut pollutionis. *Sanch. & 9. alij. probati Aut. thores.*

15. Probabile est simplicem delectationem, quæ fertur in personam conjugatam aut affinem, non habere malitiam distinctam ab ea, quæ fertur in solutam, aut non affinem, ideoque non esse necessarium hanc circumstantiam in Confessione explicare. *Diana, Vasq. & 7. alij quos illi citant.*

16. Si oscula fiant ex urbanitate, & ex more patriæ, non sunt illicita, si non accedat pravus affectus. Viros Ecclesiasticos & maxime Religiosos decet illum Patriæ morem, quantum si ne offensione fieri potest, meliori urbanitate declinare.

*Quares, An, & quomodo universim censeatur aliquis peccare contra castitatem indirectè, ponendo causam rei venereæ proximam, aut remotam?*

Respondeo primò, Quando aliquis facturus rem necessariam, aut ex se licitam prævidet inde secuturos motus venereo, aut etiam pollutionem, quam nullo modo vult, aut directè intendit, tunc non tenetur abstinere à tali actione,

486 Pars 3. tract. 5. cap. 6. De sexto Præcepto.  
ne, si non existimet adesse periculum ne consentiat in istam delectationem. Quia ad actionem illam aliunde necessariam, aut ex se licitam sequitur ille motus aut pollutio tantum per accidens; homini autem prosequenti suum ius non imputatur effectus per accidens, & præter intentionem secutus, alioqui sæpe deberet abstine-re ab actionibus bonis & honestis. Hinc 1. colli-gitur, non obstante periculo talis effectus, lici-tum esse audire confessiones mulierum; etiam quando exponunt res lubricas & venereas: 2. studere casibus qui circa tales versantur: 3. aspi-cere, & alloqui personas alterius sexus: 4. seip-sum, aut alium medendi causâ, aut ex alia hon-esta ratione contingere. Si tamen aliquis ex-pertus esset se ex simili occasione sæpius ulterior in expressum delectationis consensum mortali-ter prolapsum esse, teneretur à causa illa etiam ex se licita abstinere, ut docet *Navarrus* hic cap. 10. *Sanchez, Fillius Layman* num. 16. ubi notat, illos qui in actionibus utilibus, aut ex se honestis, tales effectus experiuntur facilius liberari, si ani-mo obfirmato eos effectus contemnant, quam si nimio timore imaginationem moveant, & sic movendo magis ad cogitandum solicirent.

Secundo, Si causa, ex qua talis motus aut pol-lutio sequitur, sit proxima, sive ex natura sua ad vene-rem ordinata, ut est tactus, aspectus, lectio, aut locutio ex se luxuriosa, quæ otiosè, & sine debita causa exercentur, mortale peccatum est ab illis non abstinere. Quia qui consentit in ta-lein causam proximam, censetur moraliter in effectum consentire. Si verò sit causa tantum remotè, & per accidens ad pollutionem concur-rens, ut nimius potus, aut cibus, aut equitatio, aut confabulatio, et si absque causa & utilitate exer-

exerceantur, motus, aut pollutio ex illis secuta censetur tantum venialis, dummodo ea non intendatur, & absit periculum consensus venerei. Quia effectus ille in talibus causis tantum remotè, & imperfectè continetur, & potius proveniunt ex imbecillitate complexionis & natura, quam ex intentione illius qui talem causam aut actionem ponit. Ita etiam docet Sanchez, Filluci, Lessius, Diana alios citans part. 5. tract. 13. r. fol. 4. Itaque generatim ut sciatur quando tales effectus censeantur esse intenti indirectè, siue in sua causa, aliqui breviter hanc Regulam statuunt: Si causa in genere luxuriæ sit peccatum mortale, pollutionem ex ea secutam esse mortalem: Si causa sit venialis, illum effectum esse veniale: Si verò causa nullum sit peccatum, effectum quoque nullum fore peccatum, secluso semper periculo directi consensus in ipsam pollutionem ex tali causa provenientem.

Remedia contra luxuriam, quæ decet Confessarium in promptu habere, breviter assignat

Peyrinus t. I. q. 3. c. 2. nijque.

1. Humilitas & oratio, ut agnoscentes nostram fragilitatem ad Dei auxilium recurramus.
2. Sobrietas in victu, & carnis mortificatio.
3. Custodia sensuum, & vitatio familiaritatis cum mulieribus.
4. Fuga otij.
5. Piorum librorum lectio.
6. Mortis & æternarum pænarum viva meditatio.
7. Frequens Communio, & Confessio apud unum prudentem & stabilem Confessarium.
8. Occurrente tentatione, cogitare Deum adesse præsentem, severum peccati vindicem: ac frequenter animo revolvare hanc sententiam: *Momentaneum est quod delectat, eternum quod cruciat.*